

Li ber ronîya vexwendina vê komîtê , ev cara diwem e, em têne şam û mirina lawê Kurd yê bi nav û deng N.Z bi bîra xwe tînin . Di cara yekem de , me N.Z wek zimanhezêkî bi beşdarî da nasîn , herweha me Rojname Newrozê , di ber çavan re bir û anî û rola wê di dermafê fêkirina bi dehan xelekên alfabê û rêzîmên ji keç û lawên Kurd re , me da xuyakirin . Wêlomê jî ,me ji birêz Zaza re got, di gora xwe de vehesî be , law û keçên Kurd şopên yên weke te bernadin .

Di vê boneya bîranînî ya diwem de jî , dixwazin ji xwe re bikin keys , kelk û sûdê, ji gotina **Celadet** ya dîrokî werbigirin.

**Yekîtiya gel bi yekîtiya zimên e , yekîtiya zimên jî , bi yekîtiya tîpan e .**

Li ber ronîya gotina jorîn, em dixwazin nêrîneke zimanewî ,bi ziman û gelê me gereke, bidin xuyakirin .

Weke em dizanin , bêparbûna netewa Kurd ji sed salan ve , ji avakirina dewleteke yekbûyî , bû sersedema diyarbûna gelek zarav , tore û alfebeyan. Di zimanê Kurdî de, ev pîrbûna zaravan, bi xwe jî, di roja îro de , ji pêşketin , vejîn û dewlemendkirina zimanê me re sermîyanekî baş e. Ji zaravên Kurdî, hin hene yên peyvandin û azaftinê ne , mîna Kurmanckî , Dumilî , Zazakî , Hewramî , Gorî û Lorî . Ev zaravina Kevin in û di dîrokê de tamar berdane . Vêca bikaranîna wan , ji bo geşkirina zimên pêwîste.

Lê , li kêlekê di cîhana tore û rojnamegeriyê de , herdu zarav Soranî û Kurmanckî bi kar tînin û li çar perçeyên Kurdistanê têne têghîştin .

- Li aliyekî dî , berê nivîsandina Kurdî, bi sê alfabeyan bi kar dihat ( Latînî – Erebi – Kirîlî ) . Ta ku , Kurdên Sovyêta berê dev ji alfabeya kirîlî berdane û li şûnê alfebeya Latînî bi kar anîn , kend û girêk li pêş yekbûna zimên kêmkirin .

Em dizanin ku , bikaranîna alfabeya

Erebî , li başûr û rojhilatî Kurdistanê ye. Û alfabeya Latînî jî, li bakur û başûrî rojavayî Kurdistanê , Ewropa û li Sovyêta berê bi kar tî. Ji berê-paşê ve , zimanzan û zimanhezên Kurd yên mîna Nûredîn Zaza , Ji ber ku , yekîtiya zimên ,di wê de didîtin, daxwaza yekîtiya bikaranîna alfabeyekê dikirin . Herweha yekîtiya gelê Kurd jî, xurt dibû . Lê, berê piraniya wan, ji ber van sedeman ve, ber ve alfebeya Latînî ya **Celadet Bedirxwan** bû .

1-Alfebeya di cîhanê de , tewrî bi kar tî, alfebeya Latînî ye .

2-Alfabeya Latînî , Alfabeya Kompîyoter û entîrnêtê ye jî .

3-Fonotîka devkî, ya zimanê Kurdî bêtir, bi riya alfabeya Latînî zelaltir dibe û cî tê de digire .

4-Piraniya xelkê me yê Kurd , ta hin girok ji Kurdên başûr jî, vê daxwazê dikin .

5-Ji paşeroja gel û zimanê Kurdî re jî weha baştîre , ji ber ku , bi wê ziman û gel, wê were parastin û li gor demê be .

Pîştî azadbûna beşê başûr , herçû ev daxwaz û hêviya jor bi hêztir û bilintir bû . Lê mixabin biryara perlemanana Kurdistanê başûr, ji bo bikaranîna alfabeya erebî ,wek alfabeyeke fermî ,di hemî dezgehên hikomet û civaka xwe de , ew hêvî qelskirin û bêhêvîtiyek peydakir .

Vêca, bi navê vê şevê , em ji serokê navçeya Kurdistanê ( Kak Mesûd ) ,Hikometana Kurdisatanê û Parlemanê re pêşinyar dikin ku , bangêk bi rê be . Têde ev daxwaz diyar bibe û bi kêmanî alfabeya Latînî ( alfabeya Celadet , Nûredîn û piraniya gelê Kurd ) netê qedexekirin .

- Bijî gelê Kurd!

-Ramana Nûredîn Zaza namire!

-Sipas ji komîta rêvebir ya xelata N.Z

-Sipas ji we û guhdariya we re !

Komîta rêvebir ya weşana Nwerozê